

Pali-uni issia Bunun-tuza tu ekitvevi-an

Ma-aq a Bunun-tuza ka qaqaanup tu siduq, mazima pakasihal pakaboszang tumantuk is bazbaz ni-i tu silaluan. Uka haan Bunun-tuza ka palinqueu. Paaq pu-un uka ka pakan-anak mapakaduu ka mapasiza in, sia amin tamatina ka kadangaz kilim i na minbinano-az, mopa masamudengaz is mapalasangmun, na ki'haz i inai bananaz siin binano-az ta tu tastulumaq. Uka amin a tanqueu mapataz bunun siin mapalasmuav bunun, mopa kapisuqtis amin i is-atusasamu, uka ka anqelu ki na sadu-an diqanin musasu tu na ka-a-un i Bunun-tuza, na havunun mapudaan haan nai Bunun-tuza ta.

Ni-i tu tupa tu maqeng-ut i issia pais bungu tu na islus-an, tis-uni tu minbaas maqeng-ut i biaoq is palatpu-un in a Bunun-tuza mapataz, na tanaminun a sikopa tu eldikusan tanqueu, sinteqnut i pais tu ka-a in muqna minsuma kan-asang tu na toqalav i dangi-an Bunun-tuza tu dalaq ti, ma-aq qo kis ni-i tu mopa ta ka, na ni-i in sia Bunun-tuza ka melalangna papia ka kananu ang miqumis haan dalaq nastu ti.

Mopa ta sia Bunun-tuza ka ekitvevi-an tu, Ma-aq a Bunun-tuza ka tumantuk is bazbaz, ni-i tu maqansiap silaluan, ni-i amin maqansiap pinahiva. Ma-aq is heza ka na konun a manahip pasunusunu, ni-i tu

makishung, ni-i tu maqansiap maqaamqaam, mahepi matuminaqtung.

Tapukaz-av, ni-i tu maqansiap matinbaas, sasoqbung anak-anak, sinisnis ni-i tu makunivkuniv. Kapimopa ki sintupa, ni-i tu pisvevivevi ka qalinga, ma-aq is tinupa in a kapimopa-un mapinsia, ni-i tu kilim i tedangaz tupa tu bunun. Malmananu ka letuzaan, sapising i diqanin, sapising i qanitu, sapising i nasmadadengaz, kapisuqtis i esisopa-an tu sin-iqumis.

Pa-inbaasbaas mapa-indangaz, nait mapalupaiv ta. Muskun miqumis, mintatas-a kis heza ka na kan-asang, paaq pu-un heza ka tupa-un tu kaviaz tu siduq, ma-aq is minmazav a asu lalonglong, pakusvanaas sadu nata tu maku-aq.

Ni-i tu asa pali-aza-an i bunun, mananulu ni-i tu ikmuli, ni-i ka uvavaz-az maqtu katinitini pakazima ki duma tu binano-az, uka ka mapalinqueu, uka ka mapa-antaban. Madadedaz a uvavaz-az i tamatina, liskasia madadengaz, ni-i tu toqalav i madadengaz. Masansan a is-aang, ni-i tu kavavevi ka iniliskinan. Masolvaz malka-uni tentungu tu bunun. Masanbut musasu maqasmav is kuzakuza. Altupa tu maku-aq a, uka-an i kesalpuan, pantudiip is pantudiip in.

## 112 年全國語文競賽原住民族語朗讀 【巒群布農語】 國中學生組 編號 1 號

### 布農族人的特性

布農族人是狩獵的民族，是愛好和平誠實無邪的民族，也沒有偷竊殺人和欺詐的事情發生，全由原始宗教信仰的 Samu 約束，無一人敢破誠，否則必受天譴或被族人所唾棄。獵人頭並不是為祭祀用，乃是為保衛同胞的生命財產安全，嚇阻他族前來侵犯地盤，否則，布農族人的後代子孫可能早已所剩無幾。

布農民族特性：老實憨厚，不虛偽。好惡分享，不貪心、易滿足。個性內斂，不抗議、爭取權益，很謙卑、害羞。嚴守信用，不否認、說話算數、不必物證。信仰虔誠，敬天、敬靈、敬祖，謹守習俗文化（宗教產物）。彼此幫助（換工 Palupaiv）。生命共同體，很團結（Kaviaz 結盟）。

潔身自愛。兒女孝順，順從長輩。心地善良，無居心，沒有偷竊、內亂、殺人。好客。勤儉。樂天知命—歌唱、喝酒。聽天由命—認命。韌性強，有耐心。